

松陵集

二

鄭子知
和
PDG

松陵集卷第六 今體七言詩九十二首

寒夜同襲美訪北禪院寂上人

龜蒙

月樓風殿靜沈沈
披拂霜華訪道林
鳥在寒枝棲影動
人依古堞坐禪深
明時尚阻青雲步
半夜猶追白石吟
自是海邊鷗伴侶
不勞金偈更降心

奉和次韻

日休

院寒青靄正沈沈
霜棧乾鳴入古林
數葉貝書松火暗
一聲金磬檜煙深
陶潛見社無妨醉
殷浩譚經不廢吟
何事欲攀塵外契
除君皆有利名心

江南道中懷茅山廣文南陽博士三首

日休

寒嵐依約認華陽
遙想高人卧草堂
半日始齋青餽飯
移時空印白檀香
鶴雛入夜歸雲屋
乳管逢春落石牀
誰道

夫君無伴侶不離窓下見羲皇

住在華陽第八天望君唯欲結良緣堂局洞裏千秋驚廚
蓋巖根數斗泉壇上古松疑度世觀中幽鳥恐成仙不知
何事迎新歲烏納裘中一覺眠

烏納裘出
王筠集

五色香煙惹內文

許遠遊燒
香五色烟

石飴

初熟酒初醺將開丹竈

那防鶴欲算碁圖却望雲海氣半生當洞見瀑冰初拆隔
山聞如何世外無交者

許邁與王羲之父
子爲世外之交

一卧金壇只有君

奉和次韻

龜蒙

一片輕帆背夕陽望三峰拜七真堂

三茅二許一陽
一郭是謂七真

天寒夜漱

雲牙淨雪壞晴梳石髮香自拂煙霞安筆格獨開封檢試
硃牀莫言洞府能招隱會輾飈輪見玉皇

壺中行坐可移天何況林間息萬緣組綬任垂三品石珮

環從落四公泉丹臺已運陰陽火碧簡須雕次第仙

廣文王李猶在場中

想得雷平春色動五芝烟甲又芋眠

良常應不動遺文金醴從酸亦自醺

蓬萊公落廣文以金醴昇待主簿主簿恨其味酸

桂父

舊歌飛絳雪桐孫新韻倚玄雲春臨柳谷鶯先覺曙醺蕪香鶴共聞珍重雙雙玉條脫盡憑三島寄羊君

早春雪中作吳體寄襲美

龜蒙

迎春避臘不肯下欺花凍草還飄然光填馬窟蓋塞外勢
壓鶴巢偏殿巔山爐癭節萬狀火墨突乾衰孤穗煙君披
鶴氅獨立何人解道真神仙

奉和

日休

威仰禁死不敢語瓊花雲魄清珊珊溪光冷射觸鷓鴣柳
帶凍脆攢欄杆竹根乍燒玉節快酒面新潑金膏寒全吳

縹瓦十萬戶惟君與我如袁安

吳中言情寄魯望

日休

古來儉父愛吳鄉一上胥臺不可忘
愛酒有情如手足除詩無計似膏肓
宴日不輟琅書味齋日難判玉鱸香
為說松江堪老處滿船烟月濕莎裳

奉和次韻

龜蒙

菰煙蘆雪是儂鄉釣線隨身好坐忘
徒愛右軍遺點畫閒披左氏得膏肓
無因月殿聞移櫓祇有風汀去採香
莫問江邊漁艇子玉皇看賜羽衣裳

行次野梅

日休

萼拂蘿梢一樹梅玉妃無侶獨徘徊
好臨王母瑤池發合傍蕭家粉水開
共月已爲迷眼伴與春先作斷腸媒
不堪

便向多情道萬片霜華兩損來

奉和次韻

龜蒙

飛棹參差拂早梅強欺寒色尚低徊
風憐薄媚留香與月會深情借艷開
梁殿得非蕭帝瑞齊宮應是玉兒媒
不知謝客離腸醒臨水剛添萬恨來

揚州看辛夷花

日休

臘前千朶亞芳叢細膩偏勝素棕功
螭首不言披曉雪麝臍無主任春風
一枝拂地成瑤圃數樹參庭是藥宮
應爲當時天女服至今猶未放全紅

奉和次韻

龜蒙

柳疎梅墮少春叢天遣花神別致功
高處朶稀難避日動時枝弱易爲風
堪將亂蘂添雲肆若得千株便雪宮
不待

群芳應有意等閒桃李即爭紅

暇日獨處寄魯望

日休

幽慵不覺耗年光犀柄金徽亂一牀野客共爲賒酒計家人
同作借書忙園蔬預遣分僧料廩粟先教筭鶴糧無限高
情好風月不妨猶得事吾王

奉和

謝府殷樓少暇時又拋清宴入書帷三千餘歲上下古八
十一家文字奇

司馬遷書上下紀三千餘歲
太玄有八十一家率多奇字

冷夢漢臯懷鹿隱靜

憐煙島覺鴻離知君滿筵前朝事鳳諾龍奴借與窺

徒步訪魚望不遇

日休

雪晴墟里竹欹斜蠟屐徐吟到陸家荒逕掃稀堆栢子破
扉開澁深苔花壁閑定欲圖雙檜厨靜空如飯一麻擬受

太玄今不遇可憐遺恨似侯芭

奉和襲美見訪不遇

龜蒙

爲愁煙岸老神鷺扶病呼兒斲翠茗祇道府中持簡牘不
知林下訪漁樵花盤小撥晴初墜葉擁踈籬凍未燒倚杖
徧吟春照午一池冰段幾多消

開元寺客省早景即事

日休

客省蕭條柿葉紅樓臺如畫倚霜空銅池數滴桂上雨金
鐸一聲松杪風鶴靜時來珠像側鵲馴多在寶幡中如何
塵外虛爲契不得支公此會同

奉和次韻

龜蒙

日上罌罍影紅一聲清楚萬緣空襪襪滿地貝多雪料
峭入樓于闐風水榭初抽寥沈思竹窓猶掛夢覓中靈香散

盡禪家接誰共躬源小品同

獨夜有懷因作吳體寄襲美

龜蒙

人吟側景抱凍竹鶴夢缺月沉枯梧清澗無波鹿無兔白
雲有根虬有鬚雲虬澗鹿真逸調刀名錐利非良圖不然快
作燕市飲笑撫肉枿音馨眠酒壚

奉和次韻

日休

病鶴帶霜傍獨屋破巢含雪傾孤梧濯足將加漢光腹抵
掌欲捋梁武鬚須隱几清吟誰敢敵披琴酣卧真堪圖此時
枉欠高散物楠瘤作樽石作壚

病中有人惠海蟹轉寄魯望

日休

紺甲青筐染落衣島夷初寄北人時離居定有石帆覺失伴
唯應海月知族類分明連瓊瑤

藥瑤似小蚌有一小蟹在腹中瑤
出求食故淮海之人呼爲蟹奴

形容

好箇似蜉蝣病中無用雙螯處寄與夫君左手持

訓襲美見寄海蟹

龜蒙

藥盃應阻蟹螯香却乞江邊採捕郎自是楊雄知郭索

經云蟹之郭索

且非何胤敢餽餽

何胤侈於食味稍欲去其甚者猶有鮑膳糟蟹

骨清猶似含春靄

沫白還疑帶海霜強作南朝風雅客夜來偷醉早梅傍

病中美景頗阻追遊因寄魯望

日休

癯牀閑卧晝迢迢唯把真如慰寂寥南國不須收薏苡百
年終竟是芭蕉藥前美祿應難斷枕上芳辰豈易銷看取
病來多少日早梅零落玉華焦

奉訓病中見寄

龜蒙

逢花逢月便相招忽卧雲䟽隔野橋春恨與誰同酩酊玄言
何處問逍遙題詩石上空迴筆拾蕙汀邊獨倚橈早晚却

還巖上電

龍美時
有眼疾

共尋芳徑結烟條

闔閭城北有賣花翁討春之士往往造焉因招龍襲美龜蒙
故城邊有賣花翁水曲舟輕去盡通十畝芳菲爲舊業一
家煙雨是元功閑添藥品年年別笑指生涯樹樹紅若要
見春歸處所不過攜手問東風

魯望以花翁之什見招因次韻酬之

日休

九十携鋤偃僂翁小園幽事盡能通
斲煙栽藥爲身計負水澆花是世功
婚嫁定期杉葉紫蓋藏應待桂枝紅
不知家道能多少只在勾芒一夜風

病中庭際海石榴花盛發感而有寄

日休

一夜春工綻絳囊
碧油枝上晝煌煌
風勻祇似調紅露
日暖唯憂化赤霜
火齊滿枝燒夜月
金津含藥滴朝陽
不知

桂樹知情否無限同遊阻陸郎

奉和次韻

龜蒙

紫府真人餉露囊
猗蘭燈燭未熒煌
丹華乞曙先凌日
金焰欺寒却照霜
誰與佳名從海曲
祇應芳裔出河陽
那堪謝氏庭前見
一段清香染郗郎

早春以橘子寄魯望

日休

箇箇和枝葉捧鮮彩
凝猶帶洞庭煙
不爲韓嫣金丸重
直是周王玉果圓
剖似日魂初破後
弄如星髓未銷前
知君多病仍中聖
盡送寒苞向枕邊

襲美以春橘見惠兼之雅篇因次韻酬謝

龜蒙

到春猶作九秋鮮
應是親封白帝煙
良玉有漿湏讓味
明珠無類亦羞圓
堪居漢苑霜梨上
合在仙家火棗前
珍重

更過三十子不堪分付野人邊

王僧辯嘗爲荆南得橘一蒂三十子以獻梁元帝

病中書情寄上崔諫議

時眼疾未平

日休

十日來來曠奉公閉門無事忌春風
蟲絲度日縈琴薦蛙粉經時落酒筒
馬足歇從殘漏外魚須拋在亂書中
殷勤莫怪求醫切只爲山櫻欲放紅

奉和次韻

龜蒙

或偃虛齋或在公謁然林下昔賢風
庭間有蝶爭煙蕊簾外無人報水筒
行藥不離深幌底時患眼疾寄書多向遠山中
西園夜燭偏堪憶曾爲題詩刻半紅

病中孔雀

日休

煙花雖媚思沉冥猶自擡頭護翠翎
強聽紫簫如欲舞困眠紅樹似依屏
因思桂蠹傷肌骨爲憶松鵝損性靈
盡

日春風吹不起鈿毫金縷一星星

奉和

龜蒙

懶移金翠傍簷楹斜倚芳叢舊態生唯奈瘴煙籠飲啄
可堪春雨滯飛鳴鴛鴦水畔迴頭羨荳蔻圖前舉眼驚爭
得鷓鴣來伴著不妨還校有心情

上元日道室焚修寄襲美

龜蒙

三清今日聚靈官玉刺齊抽謁廣寒執蓋冒花香寂歷侍
晨交珮響闌珊執蓋侍晨皆
仙之貴侶矣將排鳳節分階易欲校龍書下
筆難唯有世塵中小北夜來心拜七星壇

奉和次韻

日休

明真臺上下仙官玄藻初吟萬籟寒飈御有聲時杳杳寶
衣無影自珊珊蕊書乞見齋心易玉籍求添拜首難端簡不

知清景暮靈蕪香燼落金壇

正月十五日惜春寄龍美

龜蒙

六分春色一分休滿眼東波盡是愁花匠礙寒應束手酒
龍多病尚垂頭無窮懶情齊中散有底機謀敵右侯見織
短蓬栽小檝挈煙閑弄箇漁舟

奉訓惜春見寄

日休

十五日中春日好可憐沉痾冷如灰以前雖被愁將去向
後須教醉領來梅片盡飄輕粉壓柳芽初吐爛金醅病中
無限花番次爲約東風且住開

聞魯望遊顏家林園病中有寄

日休

一夜韶姿著水光謝家春草滿池塘細挑泉眼尋新脉輕把
花枝嗅宿香蝶欲試飛猶護粉鶯初學囀尚羞簧分明記

得同君賞盡日傾心羨索郎

襲美病中見寄次韻訓之

龜蒙

日華風蕙

正交光遇末相携藉草塘

過謝玄小字未謝川小字

佳酒旋傾

酈醪嫩短船閑弄木蘭香煙絲鳥拂來縈帶葉榼人收去

約簫今日好爲聯句會不成剛爲欠檀郎

春雨即事寄龍衣美

龜蒙

小謝輕埃日日飛

小謝詠雨詩有散漫似輕埃句

城邊江上阻春暉雖愁野岸花

房凍還得山家藥笋肥雙屐著頻看齒折敗裘披苦見毛

稀比隣釣叟無塵事灑笠鳴蓑夜半歸

奉和次韻

日休

織恨凝愁映鳥飛半旬飄灑掩韶暉山容洗得如煙瘦地
脉涼來似乳肥野客正閑移竹遠幽人多病探花稀何年

細濕華陽道兩乘巾車相並歸

魯望春日多尋野景日休抱疾杜門因有是寄

日休

野侶相逢不待期半緣幽事半緣詩
烏紗任岸穿筋竹白袷從披趁肉芝
數卷蠹書碁處展幾勝菰米釣前炊
病中不用君相憶折取山櫻寄一枝

奉和次韻

龜蒙

雖失春城醉上期下帷裁徧未裁詩
因吟郢岸百畝蕙欲採商崖三秀芝
棲野鶴籠寬使織施山僧飯別教炊
但醫沈約重瞳健不怕江花不滿枝

偶掇野蔬寄襲美有作

龜蒙

野園煙裏自幽尋嫩甲香蕤引漸深
行歇每依鷗舅影挑頻時見鼠姑心
凌風藹彩初携籠帶露虛疎或貯襟
欲助